

EUSKARA IKASTAROETAN MATRIKULATUTAKO IKASLEEI

DIRU-LAGUNTZAK EMATEKO ARAUTEGIA

2016/2017 ikasturtea



**TXORIERRIKO
MANKOMUNITATEA**

1. artikulua. Xedea

Deialdiaren xedea 2016-2017 ikasturtean zehar, homologaturik dauden euskaltegi edo barnetegietan, helduentzako euskalduntze eta alfabetatze ikastaroak egiten dituzten Txorierriko biztanleentzako diru-laguntzak emateko baldintzak arautzea da.

HABEren euskara maila edo baliokideak egiaztatzeko azterketak gainditu (hau da B1, B2, C1 eta C2 mailak), eta Eusko Jaurlaritzatik diru-laguntza jaso duten ikasleek, diru-laguntza eskatu ahal izango dute Txorierriko Mankomunitatean. Dena dela, Eusko Jaurlaritzatik eta Mankomunitatetik jasotzen duten diru-laguntza gehituta, ezin izango dituzte deialdi honetako 5. artikuluan zehazten diren portzentajeak gainditu.

- Esklusioak

Diru-laguntza hauetatik kanpo geratuko dira gradu-ondoko, doktorego, master eta karrerako ikastaroak. Halaber, ez dira sartuko Boga moduko ikastaroak, Eusko Jaurlaritzako Hezkuntza Sailak arauturiko irakaskuntza (Hizkuntza Eskola Ofizialekoak honen barruan sartuta daude) eta HABEren menpeko Udal Euskaltegiako ikastaroak ezta beste erakunderen batek antolatutako ikastaroak ere, esaterako: IRALE, HAEE, eta abarren programa espezifikoak.

Garraio gastuak ez dira ordainduko.

2. artikulua. Instantziak aurkezteko epea eta tokia

Eskabideak aurkezteko epea 15 egun baliodunekoa izango da, 2017ko urriaren 2an hasita eta urriaren 23an bukatuta (biak barne).

Eskabideak Derio, Larrabetzu, Lezama, Loiu, Sondika eta Zamudioko udaletxeetan jasoko dira eta bai Txorierriko Mankomunitateko Euskara Zerbitzuan bai udaletxeetan bertan aurkeztuko dira.

3. artikulua. Betekizunak

Eskatzaileek honako baldintza hauek bete behar dituzte:

- 16 urtetik gorakoak izatea edo 2017 urtean adin hori betetzea. Honenbestez, urte horretan eginiko matrikulak subentzionatuko dira.

- 2016ko urriaren 1etik edo lehenagotik Derio, Larrabetzu, Lezama, Loiu, Sondika edo Zamudioko udalerrietan errolatuta egotea.

- Matrikula egiten den egunetik ikastaroa bukatzen denera arte emaniko orduen %80 edo goragoko asistentzia edukitzea. Nahitaezko betebeharrengatik ez joatea edo gaitotasun-bajak erakunde eskudunak justifikatu beharko ditu.

- Diru-laguntzaren xede den azpimaila gaindituta edukitzea.

- Azpimaila bakoitza behin baino ez da diruz lagunduko; salbuespen batekin: azpimaila hori lehenengo aldiz egin denetik hona hiru ikasturte baino gehiago pasatu badira, beriz ere, eska daiteke diruz laguntzea.

- Bekaren emakida dakarten baldintzak betetzen direla egiaztatze aldera behar diren jarduketak egiten baimentzea eta Txorierriko Mankomunitateak eskatzen dion informazio guztia ematea.

4.artikulua.- Eskabideak

Behar bezala betetako eskabideak idatziz zuzendu behar zaizkio Mankomunitateburuari, honekin batera igortzen den ereduari jarraituz.

Eskabideekin batera honako agiri hauek aurkeztu behar dira:

- NANaren fotokopia.
- Errolda ziurtagiria, eta bertan noiztik erroldatuta dagoen agertu behar da.
- Langabeek LANBIDE txartelaren fotokopia aurkeztu behar dute behar bezala zigilatuta eta eguneratuta.
- Oinarrizko Errenta edota Gizarte Larrialdiko Laguntzarik jasotzen duten eskatzaileek laguntza hori jasotzen dutela egiaztatzen duen agiria aurkeztu behar dute.
- Matrikula ordaindu dutela egiaztatzen duen jatorrizko agiria edo fotokopia. Barnetegien kasuan, bakarrik matrikulari dagokion kostua aurkeztu beharko da.
- Beste administrazioei eskatu eta, hala dagokionean, horiengandik jasotako diru-laguntzen derrigorrezko zinpeko aitortpena, eta baita ez dela inolako diru-laguntzarik eskatu ezta eskuratu ere. Bi kasuetan derrigorrezkoa izango da zinpeko aitortpena aurkeztea. (Ikus 1. eranskina).
- www.habe.euskadi.net orrialdean sartuta, "Ikaslearen ibilbidea-osa" agiria.

(Dokumentua lortzeko jarraibideak: Ikus 2. eranskina)

- Eskaera-inprimakian jasota geratuko da kontu zenbakia (IBAN kodea eta 20 digitu); halaber, bertan adierazi behar dira kontu horren titularraren izena eta NAN zenbakia.

Eskabideak ez baditu eskatutako baldintzak betetzen, interesdunari eskatu egingo zaio, hamar eguneko epean, aurkeztu ez dituen derrigorrezko agiriak aurkez edo izaniko okerrak konpon ditzan; halaber, eta Herri Administrazioen Araubide Juridikoaren eta Administrazio Prozedura Erkidearen 30/1992 Legeak, azaroaren 26koak, bere 42. artikuluan agintzen dituen terminoetan ebazpena hartu ondoren, adieraziko zaio horrela egin ezean, ulertuko dela bere eskabidean atzera egin duela.

5.artikulua.- Diru- laguntzaren zenbatekoa

Emango den diru-laguntzaren zenbatekoa honakoa izango da:

- Oinarrizko Errenta edo Gizarte Larrialdiko Laguntzarik jasotzen duten eskatzaileentzat: matrikularen %75 eta %100 bitartekoa.
- Diru-laguntzaren xede den ikasturte barruan langabezia geratzen diren langabetuentzat: matrikularen %50 eta %75 bitartekoa.
- Gainontzeko ikasleentzat: matrikularen %25 eta %50 bitartekoa.
- Ikasle bakoitzak gehienez 600€ko diru-laguntza jaso ahal izango du.

Arautegi honek arautzen dituen diru-laguntzen aurrekontu-muga dagokion aurrekontuan adierazitako kopuruetan ezarriko da.

6.artikulua.- Ebazpena

Eskabideak Mankomunitateburuaren Dekretu bidez ebatziko dira deialdia egiten den egunetik zenbatzen hasita eta gehienez sei hileko epean. Alabaina, ebazpen hori hartuko da Euskara Sailaren txosten teknikoa ikusi ondoren Mankomunitateko Euskara eta Gazteria Batzordeak eginiko proposamenaren arabera.

Epe hori igarotzen bada eskabidearen gaineko berariazko ebazpena jasota egon barik, eskabide hori ezeztatu egin dela ulertuko da; dena dela, horren ostean eskabidearen gainean berariazko ebazpena hartu ahal izango da.

7.artikulua.- Dirua itzultzea

Laguntza osoa edo zati bat eta dagokion berandutzako interesa itzuliko dira, Mankomunitatearen diru-laguntzen emakida arautzen duen ordenantzaren 26.artikuluan ezartzen denarekin bat etorritik.

Azken xedapena

Ordenantza honetan araututa ez dauden kontuetan Txorierriko Zerbitzuen Mankomunitatearen diru-laguntzen emakida arautzen duen ordenantzak arautuko du.